

四庫全書

史部

欽定四庫全書

史部

行水金鑑卷七十九

六至

詳校官監察御史王爾烈

刑部郎中臣許兆椿覆勘

總校官知縣臣繆琪

校對官庶吉士臣潘庭筠

謄錄監生臣潘衡

欽定四庫全書

行水金鑑卷七十六

江南按察使傅澤洪撰

江水

又東逕竹畦南

水經

江中有觀詳澹澹東有大洲洲東分為爵洲洲南對

湘江口也

郡注

又東至長沙下瀉縣北澧水沅水資水合東流注之

水經

凡此諸水皆注於洞庭之陂是乃湘水非江川也

注鄴

下舊故城在今武昌府通城縣西巴陵亦下舊地
洞庭湖在其西南水經注澧水流注于洞庭湖俗謂
之曰澧江口也水經沅水出牂牁且蘭縣為旁潯水
又東至鐔城縣為沅水東逕無陽縣入東北過臨沅
縣南又東至長沙下舊縣西北入于江注云沅水下
至洞庭湖方會于江也資水出零陵都梁縣路山東
北過夫夷縣東北過邵陵縣之北又東北過益陽縣
北又東與沅水合于湖中東北入于江也注云湖即
洞庭湖也所入之處謂之益
陽江口益陽今長沙府屬

湘水從南來注之

水經

江水右會湘水所謂江水會者也

鄴注 水經湘水
出零陵始安縣陽

海山東北過零陵縣東又東北過沅陽縣東又東北過泉陵縣西又東北過重安縣東又東北過鄰縣西承水從東南來注之又東北過陰山縣西沅水從東南來注之又北過醴陵縣西澧水從東注之又北過臨湘縣西瀏水從縣西北流注之又北為水從西南來注之又北過羅縣西澧水從東來流注之又北過下雋縣西微水從東來流注之又北至巴北山入于江湘水會資沅微澧四水同注洞庭而北會大江名曰五渚巴北山在湘水右岸山有巴陵故城西對長洲南廢湘浦北對大江三水所會謂之三江口孫光憲北夢瑣言云湘江北流至岳陽達蜀江夏潦後蜀江漲遏住湘浦溢為洞庭湖凡數百里而君山宛在水中秋水過北山復居于陸唯一條湘川而已

山海經言洞庭沅澧之交瀟湘之淵是為九江之門

按澧鼎沅湘合諸蠻黔南之水匯為洞庭至巴陵與
荆江合而東州據其上水經云湘水右會小青口資
水也世謂之益陽江右則沅水注之謂之橫房江東
到微湖世謂之靡湖西流注為江謂之靡湖口左則
澧水謂之武陵江凡此五水注為洞庭北會為大江
名曰五瀦戰國策曰秦與荆戰大破之襲郢取洞庭
五瀦楚辭帝子降兮北瀦皆其地也 樂史言大江
在巴陵東北流入洞庭今洞庭水會於江非江流入

洞庭也荆江出巴蜀自高注下濁流洶湧夏秋暴漲
則逆泛洞庭瀟湘清流頓皆渾濁岳人謂之翻流水
南至青草湖或三五日乃還俗云水神朝君山

岳陽風土記

以今輿地言之江水自宜都縣北合夷水又東逕枝

江縣北

枝江在荊州府西一百七十里

又東逕松滋縣北

松滋在府西南一百

二十里本漢高縣地

又東逕江陵縣南

江陵荊州府治隄防考云大江流入郡境自西

而北而東而南勢多紆折南北兩岸俱平行下隰水易漫流故有決溢之害濱江諸縣皆築隄以為捍衛

自松滋至巴陵之城陵磯長亘六百餘里北岸有又
陽州茅埠隄長亘七百餘里隄尺不堅千里為壑

東逕公安縣北

公安在府東南一百二十里本漢孱陵縣有沔陽鎮在公安故城東南

又東逕石首縣北

石首在府東南一百八十里本漢華容縣地

又東逕監

利縣西華容縣北

監利在府東南二百里本楚容邑漢置華容縣三國吳析置監利縣

其故城在今縣東北章華臺在縣西北六十里夏水篇云夏水東逕華容縣南又東逕監利縣南韋昭曰雲夢在華容縣郭景純言東南巴北湖是也今岳州府亦有華容縣在府西少北一百五十五里本漢孱陵縣地晉分置南安縣隋改名華容非古華容也

又東至巴陵縣西北會洞

庭之水

巴陵岳州府治本漢下雋縣地荆江口在縣西北洞庭水入江處亦名西江口又名三江

口元和志巴陵城對三江口岷江為西江澧江為中江湘江為南江按三江口北岸有楊林浦一名楊葉洲蓋即水經注所謂巴陵故城西對長洲者此後世大江之經流酈道元

所稱北江者也禹之所導則異於是袁中道澧游記曰酈注水經於江陵枚回洲下有南北江之名南江即江水由澧入洞庭道也陵谷變遷今之大江始獨專其澎湃而南江之跡稍稍湮沒僅為衣帶細流然江水會澧故道猶可考云今按小修此義最為精覈水經注澧水出武陵充縣西歷山東過其縣南

今岳州府

慈利縣所轄永定九溪二衛皆漢充縣地歷
山在永定衛西澧水自衛界流逕九溪衛西
又東婁

水入焉

水出巴東界東逕零陽縣注于澧水

又東逕零陽縣南

今慈利縣北有

零陽故城

又東逕澧陽縣右會漂水

謂之漂口今石門縣西北有漂水又

東逕澧陽縣南

縣南臨澧水晉天門郡治今在澧州西一百十里

又東逕作

唐縣北

作唐即今安鄉縣在澧州東南一百二十五里北至公安縣界六十里

左合澧

水水出西南天門郡界南逕岑評屯屯竭澧水溉田

數千頃又東南流注於澧水

岑評屯在今澧州界州在岳州府西四百二十

里北至公安縣八十里本漢零陽縣地隋析置澧陽縣其故城即今州治澧水在州南三里

又東

澹水出焉澧水又南逕故郡城東東轉逕作唐縣南

今安鄉縣東南有作唐故城

又東逕安南縣南

今華容縣是

澹水注之

謂之澧口

又東與赤沙湖會

湖水北通江而南注澧謂之澧口赤沙湖在今華容縣西

南亦謂之赤亭湖西接安鄉縣界

又東至長沙下隲縣西北東注洞

庭湖俗謂之澧江口澧水自石門以西與澧江無涉

其南江會澧故道參以近志有可得而言者江陵縣

西南二十里有虎渡口在龍洲之南

後漢郡守法雄有異政猛虎渡

江去因名宋乾道七年湖北漕臣李燾修虎渡堤即此水經注江水自枝回洲分為南北二江北江有故

鄉洲其下
為龍洲

南江從此東南流注於澧水同入洞庭盖

即所謂涔水也澧州志云涔水為岷江別派從公安

入境為四水口

在州北七十里東接
安鄉湖口北連荆江

又東南流過焦

圻一箭河至匯口入澧故稱涔澧楚辭望涔陽兮極

浦今公安舊縣東南有涔陽鎮即其地也澧水又東

逕安鄉縣南會赤沙湖

東距巴陵
縣百里

而東入洞庭湖湖

在巴陵縣西南一百五十步

見元和志

此蘄江東至于澧

過九江至于東陵之故道也春秋傳曰物莫能兩

大故二水並行一盛則一微自然之理也昔禹既疏鑿三峽水勢并注其中而北谷村之舊流遂為斷江其後魚復江所出之夷水亦致淺狹不可行舟近事如句容縣故江乘地北瀕大江今皆為洲渚江水南去岍二十里揚子江舊濶四十里瓜洲本江中一洲今北與揚子橋相連而江面僅七八里又如靖江縣大江舊分二派繞縣南北明天啟以來潮沙壅積北派竟成平陸與揚州之泰興相連以今驗古小修云

北江漸盛而南江日微殆非臆說然自屈原九歌云
望涔陽兮極浦橫大江兮揚靈蓋涔陽在涔水之北
大江又在涔陽之北則戰國時固以北江為正流而
南江為涔水矣年代久遠世鮮有知者地志水經所
言宜乎與禹貢不合也

禹貢雖指

東迤北會于滙

禹貢

迤者斜出之辭江漢二水皆自西來至其合處則其
勢迤靡而相屬故漢水自發源蟠冢皆東流至其將

與江合也其稍折而南江水自發源岷山皆東流至其將與漢合也則稍折而北蓋江在漢南漢在江北漢稍南江稍北則其勢相屬故會于彭蠡而復東也滙者彭蠡之澤也不言會于彭蠡者蓋蒙上東滙澤為彭蠡之文且見其與漢水共注此澤也漢孔氏以東逌為一句以北字屬于下謂北會于滙故其說以謂逌溢也東溢分流都共北會為彭蠡鄭氏又以東逌者為南江夫既以逌為溢而又以東溢為分流展

轉相訓乃成義其文勢不相屬非經意也據經文言
北江中江者是自彭蠡而東方分為二江鄭氏以東
迤為南江則是自東陵而下已分為三矣此說尤不

合

尚書全解

江至東陵始與漢合而逕于東陵之下記其東行斜
迤而北者著其與漢既合之形勢也繼曰會于滙者
著其同為彭蠡澤也經之文明潔如此何得不信而
猶惑于孔鄭之鑿說乎

禹貢集解

江水迤北由沙羨始漢自大別以至彭蠡大勢皆東
江自沙羨以至彭蠡則東且迤北矣經先漢後江東
匯為彭蠡者漢也而江水亦至其處故曰東迤北會
于匯言與漢所匯之彭蠡會也于字俗譌作為則其
義不可通矣

禹貢錐指

江水又東左得二夏浦

水經

夏浦俗謂之西江口又東逕忌置山南山東即隱口

浦矣江之右岸有城陵山

郡注 今巴陵縣北有忌置洲宋書檀道濟等討謝

晦至忌置洲列船過江即此其東有城陵磯東北接
臨湘縣界磯下為三湘浦元和志云在巴陵縣東北
十二里黃潤玉云今江水衝城陵磯而臨江驛至岳
陽湖口六十里皆淤沙漲起南環湖北沿江塞隘九
江之口其章華臺
之水亦淤窄矣

又東逕彭城口

水經

水東有彭城磯故水受其名

酈注

江水自彭城磯東逕如山北

水經

北對隱磯二磯之間大江中有獨石孤立山東江浦

世謂之白馬口

酈注彭城磯在臨湘縣西江中元
和志云在巴陵縣東北九十四里即

今臨湘縣也縣東北十里
有白馬磯山又有隱磯

又左逕白羸山南

水經

右歷鴨蘭磯北江中也東得鴨蘭治浦二口夏浦也

郡注

左逕止烏林南

水經

邨居地名也又東逕烏黎口江浦也即中烏林矣又

東逕烏林南吳黃蓋敗魏武於烏林即是處也

郡注

又東左得子練口

水經

北通練浦又東合練口江浦也江之右圻得蒲磯口

即陸口也水出下雋縣西三山溪又入蒲圻縣北又

逕蒲磯山北大江

鄴注 蒲磯山在今蒲圻縣南五十里圻與磯通元和志云亦

壁山在蒲圻縣西一百二十里北臨大江蓋其時未有嘉魚也今蒲圻臨江之地盡入嘉魚而蒲圻無江水

左得中陽水口又東得白沙口

水經

一名沙屯即麻屯口也本名蔑默口江浦矣

鄴注

東右得聶口

水經

江浦也左對聶洲

酈注

左逕百人山南

水經

右逕赤壁山北昔周瑜與黃蓋詐魏武大軍所起也

酈注 百人山在漢陽縣西南八十里

東逕大軍山南又東逕小軍山南

水經 大軍山在漢陽縣西南六十里小

軍山在縣西南五十里

又東逕雞翅山北又東北至江夏沙羨縣西北沔水從

北來注之

水經

沌水上承陽縣之白湖東南流為沌水逕陽縣南注

於江謂之沌口

酈注江夏侯漢沙羨縣地今為武昌府治

又東逕歎父山南對歎洲

水經

亦曰歎步矣江之右岍常鸛鵲洲南有江水右迤謂

之驛渚三月以末水下通樊口水

酈注鸛鵲洲在漢陽府城西南二

里大江中尾直黃鵠磯明季蕩滅

又東逕魯山南

水經

古翼際山也山左即沔水口矣江之右岍有船官浦

歷黃鵠巖西而南直鸚鵡洲之下尾江水澹回狀浦是曰黃軍浦船官浦東即黃鵠山東北對夏口城魏

黃初二年孫權所築也

鄆注魯山即大別在漢陽府城東北半里黃鵠山在府

城內西隅聳峙江口與大別對夏口故城在今江夏縣西南

左得湖口水通大湖又東合聶口水上承沔水於安陸縣而東逕聶陽縣北東南注于江又東湖水自北南注謂之嘉吳江右岍頻得二夏浦北對東城洲西浦側有雍伏戍江之左岍東會龍驤水口出北山蠻中江之右

金匱山經卷之十六
武昌水上通安陸之延頭

水經

荊州界盡此

酈注

東逕若城南又東過郢縣南

水經

庾仲邕江記曰若城至武城口三十里者也南對郭

口夏浦而不常泛矣江水東逕白虎巖北山臨側江

濱又東會赤溪夏浦二口江水右迤也又東逕貝巖

此庾仲雍謂之沛岬矣江右岬有秋口江浦也

酈注

右得黎巖北

水經

亦曰黎岬也北對舉口舉水出龜頭山西又南東歷赤亭下又謂之赤亭水又分為二水南流注於江謂之舉洲南對舉洲左傳定公四年吳楚陳于柏舉疑即此也

酈注

又東逕邾縣故城南

水經

南對蘆洲

酈注 邾縣即今黃岡黃陂縣地黃岡縣西北有邾縣故城蘆洲在今武昌縣西二

十里一名伍洲

鄂縣北江水右得樊口

水經 鄂縣即今武昌縣樊口在縣西北五里陸游曰黃州與

樊口正相對樊

山在縣西一里

江水又左逕赤鼻山南

水經

山臨側江川

郡注 赤鼻山在黃州府城西
北蘇東坡誤認為赤壁者也

又東逕西陽郡南郡治即西陽縣也江之右岸有鄂縣

故城

水經

九州記曰鄂今武昌也孫權以魏黃初元年自公安

徙此改曰武昌縣鄂縣徙治于素山東今武昌郡治

城南有素山即樊山也北背大江江上有釣臺江中

有節度石三段廣百步高五六丈是西陽武昌分江
於斯石也又得東五丈又得次浦江浦也東逕五磯
北有五山沿次江陰故得是名矣仲邕謂之五圻

鄴注

左則巴水注之

水經

水出雋婁縣之下靈山即大別山也與決水同出一

山故世謂之分水山亦或曰巴山南歷蠻中又南逕

巴水戍南流注于江謂之巴口

鄴注 雋婁縣漢屬廬江郡大別山在漢

陽府

又東逕軹縣故城南

水經

故弦國也城在山之陽南對五洲也

鄴注 軹縣即今黃州府蘄水

縣地

東會希水口出潯縣霍山西麓山北有潯縣故城

水經

地理志曰縣南有天柱山即霍山也有祠南嶽廟齊立霍州治此西南流分為二水枝津出焉希水又南積而為湖謂之希湖湖水又南流逕軹縣東而南流注于江是曰希口水水流急濬霖雨暴病漂濫無常

行者難之

酈注 希水在
今蘄水縣南

大江右岸有厭里口安樂浦

水經

從此至武昌尚方作部諸屯相接枕帶長江又東得

桑步步下有章浦本南陽郡治今悉荒蕪

酈注

左得赤水浦

水經

夏浦也

酈注

又東逕南陽山南

水經

仲邕謂之南陽圻水勢迅急

酈注

又東逕西陵縣故城南

水經

史記秦昭王遣白起伐楚取西陵者也

酈注 故城在今黃州府

蕪州西

東歷孟家澹江之右岸有黃石山水逕其北

水經

即黃石巖也東山偏高謂之西塞對黃公九巖所謂

九圻者也

酈注 黃石巖在武昌府大冶縣東北三十里西塞山在縣東九十里元和志云在

武昌縣東八十五里蓋與大冶分山也

又東過蕪春縣南蕪水從北東注之

水經

又東逕蘄春縣故城南又東逕積布山南西陽尋陽

二郡界也

郢注 蘄春縣即今蘄州水經蘄水出江夏蘄春縣北山南過其縣西入南至蘄口

南入于江

又東過下雒縣北刊水從東陵西南注之

水經 今武昌府興國州

東有下雒故城

又東左得青林口

水經

水經注江水自下雒以東所紀山水地名或瑣細難考沔水自石城以東尤多舛錯道元亦自謂未必一

得其實今據府州縣志以為之綱而撮取水經注及

羣書要語附載於其下江水自巴陵縣西北會洞庭

湖又東逕其縣北又東逕臨湘縣北

臨湘在湖廣岳州府東北七十

五里晉以後為巴陵縣宋析置臨湘縣

又東逕嘉魚縣西北與沔陽州

分水

嘉魚在武昌府西南二百五十里漢沙羨縣地隋為蒲圻縣地南唐分置嘉魚縣沔陽在安陸

府南少東三百三十里本漢州陵縣

又東北逕江夏縣西漢陽縣東又

北漢水自北來注之

江夏為湖廣武昌府治本漢沙羨縣地漢陽為漢陽府治本春

秋之夏沔亦漢沙羨縣地

又北折而東逕武昌縣北其對岬則黃

陂縣黃岡縣

武昌在武昌府東北一百八十里本漢鄂縣黃陂在黃州府西二百四十里本

漢邾縣地黃岡為府治本漢西陽郡西陵三縣今縣西北有邾縣故城

又東逕大冶縣

北蘄水縣南

大冶在興國州西北一百五十里本漢鄂下雉二縣地蘄水在黃州府東少南

一百十里本漢軹縣

又東逕興國縣北蘄州南

興國在武昌府東南三百六十

里本漢下雉縣兼鄂縣地蘄州在黃州府東少南一百八十里本漢蘄春縣

又東逕瑞昌

縣北廣濟縣南

瑞昌在江西九江府西九十里本漢柴桑縣地廣濟在湖廣蘄州東七十

里本漢蘄春尋陽二縣地大江去縣七十里

又東逕德化縣北黃梅縣南

德化九江府治晉永興初于此置尋陽郡隋因改柴桑曰尋陽而江北之名遂移于江南黃梅在蘄州東

一百六十里本漢尋陽縣其故城在今縣
東北元和志大江在黃梅縣南一百里彭蠡澤在

德化縣東南九十里其水北注于江此導江東迤北

會于滙之所經也

今洞庭湖遇江漲其水亦為江波所遏而經獨于彭蠡言滙澤者蓋

禹時巴陵未有洲渚九江即是江身與彭蠡異故不言滙澤也

吳幼清移前東滙澤為彭蠡六字于此東迤北會于

滙之上其說曰鄂北對漢陽軍大別山漢水自北來

入江江水與之會合流曰滙故曰東迤北會于滙不

言會于漢者以漢有漾沔滄浪之異名不可指定一

名而言故但曰會于滙也金吉甫則直以滙為誤字
其說曰當作會于漢蓋江勢迤北處正受漢口若至
彭蠡則東流久矣滙字必因上文而誤也今按江漢
合流入揚州之域會彭蠡水始有三江之目若以滙
指漢水則北江中江不待過彭蠡而始有其名矣禹
貢于荊州言江漢無中江北江之名于揚州始言三
江蓋必會南江而後可命之曰北曰中也周禮荊州
曰其川江漢揚州曰其川三江與禹貢若合符節匪

非漢口明矣自宋以來說此經者遇難解處不以為
衍文則以為錯簡不以為錯簡則以為誤字真禹貢
之一厄也

禹貢雖指

東為中江入于海

禹貢

漢江二水既合于彭蠡矣然後由彭蠡分出為北江
中江入于海此言東為中江入于海而上文導漾東
為北江入于海有北江中江則是必有南江矣即揚
州所謂三江既入是也

尚書全解

傳曰有北有中南可知曾氏曰豫章九江合于湖漢
東至彭蠡入江此九江蓋南江也南江乃江之故迹
非禹所導禹導漢水入焉與舊江合流而水之派分
為南北故漢為北江又導岷山之江入焉其流介乎
二江之中故為中江南江乃故道故經不志程氏曰
經云東匯澤為彭蠡東迤北會于滙是二語者附著
直畧切南江以槩其所不書者也彭蠡為南江無疑禹
之行水嘗經䟽導則雖小而見錄無所致力則雖大

而不書南江源派誠大且長正以不經疏導故自彭蠡而上無一山一水得見于經然于其合并江漢而以滙會名之使天下因鼎錯之實參北中之目而南江隱然在二語中此聖經之書法也邵氏曰江水濬發最在上流其次則漢自北入其次則彭蠡自南入三江並持而東則江為中江漢為北江彭蠡所入為南江可知已非判然異派之謂也且江漢之合茫然一水唯見江不見漢也故曰中江曰北江然其勢則

相敵也故曰江漢朝宗凡集傳謂經誤者非是餘干
張克修亦云渭按三江之說自康成子瞻以後得三
氏而愈明江漢共為一瀆而其入海也則漢為北江
江為中江即朝宗于海並舉二川已為之張本矣南
江無所致力不用循行故漢水無文以今輿地言

之江水至江西九江府德化縣東北贛水合彭蠡湖
從南來注之江水又東北逕湖口縣北又東北逕彭

澤縣北其對岸則宿松縣望江縣

湖口在江西九江府東六十里本漢

彭澤縣彭澤在府東一百二十里本漢彭澤縣地縣
北大江中有馬當山陸龜蒙銘曰天下之險在山曰
太行在水曰呂梁合二險而為一又聞乎馬當宿松
在江南安慶府西南二百六十里本漢皖縣地大江
在縣南一百二十里縣志云小孤山在縣東南一百
二十里舊時峙江北岸與南岸彭郎磯相對江水經
此湍急如沸明成化十二年江水忽分流于山北流
日益廣自是屹立中流大江澎湃環于四面望江在
府西南一百二十里亦漢皖縣地晉置大雷戍即今
縣治大江在縣南十五里楊溪河即古雷水也亦曰
雷池又東北逕東流縣西其對岬則懷寧縣東流在江
西少南一百八十里亦漢彭澤縣地大江去縣一
里懷寧為安慶府治本漢皖縣大江在南門外又
東北逕貴池縣北其對岬則桐城縣貴池池州府治
本漢石城縣大

江去縣五里桐城在安慶府東北一百二十里春秋
桐國漢置樅陽縣史記秦始皇自雲夢浮江渚下觀
籍柯括地志云在同安縣東隋改樅陽曰同安也漢
書武帝自尋陽浮江薄樅陽而出今縣東南有射蛟

臺

又東北逕銅陵縣西又東北逕繁昌縣北其對岨

則無為州

銅陵在池州府東北一百里本漢陵陽春穀二縣地大江去縣里許鵲頭山在縣北

左傳昭五年楚伐吳吳人敗諸鵲岸即此繁昌在太
平府西南一百三十里本漢春穀縣大江去縣五十
里赭圻城西臨大江吳赭圻屯也縣東北三十里江
中有鵲尾洲無為在廬州府東南二百七十里春秋
巢國地漢置居巢襄安臨湖三縣水經志沔水與江
合流又東合彭蠡澤又東北出居巢縣南古巢國也
湯伐桀桀奔南巢即此江水自濡須口又東左會柵
口水水遵巢湖東過故東關城又東南流注于大江

按州東少南九十里為巢縣漢居巢縣地巢湖在縣西亦作淝湖又名焦湖方輿勝覽云湖周四百餘里占合肥舒城廬江巢四縣之境納諸水而注之江濡須水在縣南源出巢湖亦曰東閩水又按寰宇記江水在含山縣南一百七十里九域志亦云含山縣有大江蓋唐宋時其南境本潁江自明初割縣南周興銅城梅山等鄉入無為州而縣界遂無江矣

又東北逕蕪湖縣西又北逕

當塗縣西其對岫則和州

蕪湖在太平府南少西六十里春秋吳鳩茲邑漢置

蕪湖縣大江去縣五里壕磯在縣西七里江中江在縣南一名蕪湖水元和志云蕪湖水在當塗縣西南八十里源出丹陽湖西北流入大江寰宇記云蕪湖在蕪湖縣界長七里縣志以縣東十五里天成湖當之一名天聖湖當塗太平府治木漢丹陽縣牛渚山一名采石山在縣西北二十五里西臨大江渡江

至和州二十五里陸游云古來江南有事從采石渡者十之九從京口渡者十之一蓋以江面狹于瓜州也和州在江寧府西一百三十里本漢歷陽縣大江在州東南江上有梁山宋大明七年祀梁山大閘江中立雙闕于山上元和志云梁山在歷陽縣南七十里東岸有博望山屬姑熟二山隔江相對望之如門南朝謂之天門山橫江浦在州東南元和志云歷陽縣東南二十六里直江南采石渡處烏江浦在州東北元和志云在烏江縣又東北逕江寧縣西其對岫東四里即亭長檣船處

則江浦縣

江寧與上元縣並為江南江寧府治本戰國楚金陵秦改曰秣陵漢置秣陵縣屬丹

陽郡其故城在今縣東南五里寰宇記云大江從江寧縣西一百二十里承當塗縣分黃浦上田為界紆回屈曲二百九十三里與和州烏江揚州六合並分中流為界胡三省曰江水東流自武昌以下漸漸向

北蓋南紀諸山所迫陂陀之勢漸使之然也至于江寧江流愈北蓋建康當下流都會望潯陽武昌皆直南望歷陽壽陽皆直西政建康謂歷陽皖城以西皆曰江西而江西亦謂建康為江東建康謂姑孰為南州京口為北府皆地勢然也三山在縣西南五十七里一名三山磯又有歷山慈姥山落星山皆西臨大江江浦在府西四十里本漢堂邑全椒二縣地舊志云大江在縣東南三里自浦子口渡江至府城觀音門二十里而近一名安陽渡又云大江自梁山來曰揚子江抵浦子口接六合縣界曰宣化江又東北逕上元縣北其對峙則六合縣

上元本漢秣陵縣地大江去縣二十

餘里有山踞江而出者曰焦家嘴又東曰觀音山燕子磯又東歷濤山以接黃天蕩在縣東北八十里胡三省曰大江過昇州界浸以深廣自老鸛嘴渡白沙橫澗三十餘里俗呼黃天蕩六合在府東北一百三

十里漢堂邑縣地大江在縣東南六合山在縣西北
七十五里隋開皇九年晉王平陳于此臨江觀渡兵
馬瓜步山在縣東南宋元嘉二十七年魏主燾至六
合登瓜步岡江望秣陵纔數十里寰宇記引南兖州
記云瓜步山東五里有赤岸南臨江中潮水自海入
江衝激六七百里至此岸側其勢始衰按枚乘七發
言廣陵曲江之濤曰凌赤岸騁扶桑郭璞江賦云鼓
洪濤于赤岸淪餘波于柴桑皆謂此也輿地紀勝云
滁河即古涂水源出合肥縣東流逕全椒滁州六合
至瓜步入江瓜步之東又有石帆山矗居江中山東
即黃天蕩江流至此波濤甚險又東逕句容縣北其北岸則儀真縣
句容在府東九十里本漢句容江乘二縣大江去縣
七十里龍潭鎮在縣西北八十里逼臨大江儀真在
揚州府西七十里本漢江都縣地唐為揚子縣縣西
二十里宣化鎮有五馬渡晉五王于此渡江故名

又東逕丹徒縣北其北岸則江都縣

丹徒鎮江府治春秋吳朱方邑

漢置丹徒縣北固山在府城北下臨長江京岷山在城東五里即秦所鑿泄王氣處吳謂之京口以此蒜山在府西五里有西津渡北與瓜洲對岸舊名蒜山波金山在城西北七里江中周必大筆錄云此山大江環繞每大風四起勢若浮動名浮玉山唐有裴頭陀于此開山得金賜名金山焦山在城東北九里江中後漢焦先隱此因名荀有海門二山金焦相望十五里江都揚州府治漢舊縣故城在今府城南四十里為江水所侵魏志文帝黃初六年行幸廣陵故城臨江觀兵即此地瓜洲鎮在府城南四十五里有渡以通鎮江元和志云江都縣大江南對丹徒之京口舊濶四十餘里今濶十八里日知錄云古時未有瓜洲蔡寬夫詩話濶州大江本與今揚子橋對岸而瓜洲乃江中一洲耳今與揚子橋相連矣以故自古

南北之津上則由采石下則由江乘而京口不當往來之道史記秦始皇登會稽還從江乘渡正義云江乘故縣在今潤州句容縣北六十里吳徐盛作疑城自石頭至江乘晉蔡謨自土山至江乘鎮守八所城壘凡十一處皆以沿江為防守之要今江乘去江幾二十里以外皆為洲渚而渡口乃移于龍潭又瓜洲既連揚子橋江面益狹而隋唐之代復以丹陽郡移置丹徒于是渡者舍江乘而趨京口宋乾道四年築瓜洲南北城而京口之渡至今因之按揚子江今北去揚州府城四十里胡三省曰今之揚子橋或是唐揚子縣治所橋以此得名也地理志江都有江水祠

又東逕丹陽縣北又東逕

武進縣北其北所則泰州

丹陽在鎮江府東六十四里本漢曲阿縣大江在縣

東北六十里又東北十里為包港南接嘉山北通大江又東十里則武進之孟瀆河口也武進為常州府

治春秋吳延陵邑漢置毘陵縣大江在縣北五十里
地理志毘陵季札所居北江在北東入海水經注云
毘陵縣北二百步有故城本毘陵郡治舊去江三里
岸稍毀遂至城下江即北江也秦州在揚州府東一
百二十里本漢海陵縣唐為吳陵縣又東逕江陰縣
大江在州南漢志海陵有江海會祠

北其北岸則秦興縣靖江縣如皋縣

江陰在常州府東北九十里本

漢毘陵縣地大江在縣北有馬馱沙與秦興縣分領
君山臨江南去縣二里亦名瞰江山秦興在揚州府
東南一百四十里唐為海陵縣地靖江在常州府東
北一百十里本唐海陵吳陵二縣地宋為秦興縣地
元改屬江陰縣明成化五年析置靖江縣孤山舊在
縣東北二十五里江中成化八年後潮沙壅積轉而
成田今山在平陸新志云大江舊分二派繞縣南北
天啟以來潮沙壅積縣北大江竟為平陸因開界河

與泰興分界而大江唯經其東南縣遂為江北之地
矣如皋在泰州東南一百四十里本後漢廣陵郡
地晉分廣陵置山陽郡有如皋縣隋省唐析海陵
縣地置如皋鎮五代時南唐升為縣大江在縣南

東逕常熟縣北其北岸則通州

常熟在蘇州府北八
十里本漢吳昆陵二

縣地大江去縣四十里福山臨江有港東連大海曰
福山港通州在揚州府東四百里本漢海陵縣之東
境狼山在州南十八里布洲峽在州南四十里江中
黃子鴻曰常熟與通州相對古時縣界濶遠故東北
濱海自明中葉分置太倉州後凡縣境濱海之地已
割屬之今江自太倉之七鶴口始折而南是為大洋
其在本縣境者自福山北距通州之狼山
水面不過百里止可謂之江尾而非海也

又東逕太

倉州北其北岸則海門縣又東入于海

太倉在蘇州
府東北一百

十里本漢婁縣地梁以後為崑山縣地明初置太倉衛弘治十年始割崑山常熟嘉定三縣地置太倉州婁江在州南大海在州東北南接嘉定北接通州邗宜水利書云今崑山之東地名太倉俗號閘身朱長文吳郡續圖經云濱海之地岡阜相屬謂之岡身州東北有七鴉浦大江由此入海海中有姚劉沙直江口之東南今為崇明縣在州東二百八里元時海運從劉家港出海至此放洋海門在通州東一百里本唐海陵縣之東洲鎮五代時置海門縣海舊在縣東十五里有六港皆東通大海潮漲則盈退則涸其地為海水所侵吞食日廣本朝康熙初此東為中江縣治遂淪于海今為海門鄉併入州境

入于海之所經也

禹貢雖指

行水金鑑卷七十六

欽定四庫全書

行水金鑑卷七十七

江南按察使傅澤洪撰

江水

漢高皇后三年夏江水漢水溢流民四千餘家

漢書高后本紀

漢高皇后八年夏江水漢水溢流萬餘家

漢書高后本紀四川總

志載七年江漢水溢後五年江漢水又

溢即此二年之事云七年者三年也

是年南陽沔水溢

今隨州襄陽地湖廣通志書傳漢上曰沔地理通釋漢入江處

謂之沔志云沔水溢即本紀所云江水漢水溢也

漢成帝河平三年春二月隄為地震山崩雍江水水逆

流

雍同壅下同漢書成帝本紀

是年二月隄為柏江山崩捐江山崩

皆隴江水江水逆流壞城殺十三人

漢書五行志

漢成帝元延三年春正月蜀郡岷山崩雍江三日江水

竭

漢書成帝本紀

是年正月丙寅岷山崩壅江江水逆流三日

乃通

漢書五行志

漢獻帝建安二年九月漢水溢流害民人是時天下大

亂後漢書五行志

漢獻帝建安二十四年八月漢水溢流害民人

後漢書五行志

魏曹叡太和四年九月大雨漢水溢

三國志

吳孫權太元元年秋八月朔大風江海涌溢平地水深

八尺

宋書五行志

晉懷帝永嘉三年江漢皆竭可涉

晉書懷帝本紀

晉穆帝永和七年七月甲辰夜濤水入石頭死者數百

人

晉書穆帝本紀

晉簡文帝咸安元年十二月壬午濤水入石頭

晉書五行志

晉孝武帝太元十三年十二月戊子濤水入石頭毀大

桁殺人

晉書孝武帝本紀

晉孝武帝太元十七年六月甲寅濤水入石頭毀大航

漂船舫有死者京口西浦亦濤入殺人

晉書五行志

晉安帝元興三年二月己丑朔夜濤水入石頭漂沒殺

人大航流敗庚寅夜濤水入石頭商旅方舟萬計漂敗

流蠲骸皆相望江左雖頻有濤變未有若斯之甚

晉書五行

志

晉安帝義熙元年十二月己未濤水入石頭

晉書五行志

晉安帝義熙二年十二月己未夜濤水入石頭

晉書五行志

晉安帝義熙四年十二月戊寅濤水入石頭

晉書五行志

宋文帝元嘉十八年夏五月沔水泛溢遣使循行賑贍

宋書文帝本紀

是年五月江水泛溢沒居民害苗稼

宋書五行志

宋順帝昇明二年七月丙午濤水入石頭居民皆漂沒

宋書五行志

齊東昏侯永元元年七月濤水入石頭漂殺緣淮居民

齊書五行志

梁武帝天監六年八月建康大水濤上御道七尺

隋史五行

志是年荊州江溢隄壞刺史始興王憺親率府將吏冒

雨賦丈尺築治之雨甚水壯衆皆恐或請憺避焉憺曰

王尊尚欲身塞河隄我獨何心以免乃刑白馬祭江神

俄而水退隄立邠州在南岍數百家見水長驚走登屋

緣樹憺募人救之一口賞一萬估客數十人應募救焉

州民乃以免又分遣行諸郡遭水死者給棺槨失田者

與糧種

梁書始興王憺傳

天監末耒陽江水暴漲

湖廣通志

梁武帝普通元年秋七月江海並溢

梁書武帝本紀

唐高祖武德七年七月舊州地震山摧壅江水噎流

唐書

五行志

東之罷政事願還襄州乃授襄州刺史會漢水漲

齧城郭東之因壘為隄以遏湍怒闔境賴之

唐書張柬之傳

宰相表東之罷相在神龍元年

景龍三年七月澧水害稼 湖廣通志

唐明皇開元十五年八月八日沔池縣夜有暴雨潤水

穀水漲合毀郭邑百餘家 舊唐書五行志

唐代宗大歷七年二月江州江溢 唐書五行志

唐德宗貞元二年六月荆南江溢 唐書五行志

唐德宗貞元三年五月揚州江溢 唐書德宗本紀 江南通志云貞元二年

揚州江溢

唐德宗貞元四年正月江溢 唐書德宗本紀 是月京師地震金

房二州尤甚江溢山裂屋宇多壞人皆露處

唐書五行志

唐德宗貞元十一年十月朗蜀二州江溢

唐書五行志

貞元二十一年朗州江漲流萬餘家是年夏朗州水

關

湖廣通志

唐順宗永貞元年秋武陵龍陽二縣江水溢漂萬餘家

晉書五行志

唐穆宗長慶四年敬宗即位夏六月漢水溢決

唐書敬宗本紀

是年夏襄均復郢四州漢水溢決

唐書五行志

唐文宗大和四年夏舒州江溢

唐書文宗本紀

是年夏江水溢

沒舒州太湖宿松望江三縣民田數百戶

唐書五行志

唐文宗大和五年六月甲午玄武江漲高二丈溢入

梓州羅城

唐書五行志

唐文宗開成三年夏江漢漲溢壞房均荆襄等州民居

及田產殆盡

唐書五行志

唐武宗會昌元年七月壬辰漢水溢

唐書武宗本紀

是年七月

襄州漢水暴溢壞州郭均州亦然

舊唐書五行志

漢水溢壞城

郭僧孺坐不謹防下遷太子少保

唐書牛僧孺傳

會昌中漢水

害襄陽拜鈞山南東道節度使築隄六千步以障漢暴

唐書盧鈞傳

後周廣順三年襄州漢水漲溢

湖廣通志

宋太祖建隆二年襄州漢水漲溢數丈

宋史五行志湖廣通志作元

年恐即此也

宋太祖乾德二年四月廣陵揚子等縣潮水害民田

宋史

五行志

宋太祖開寶元年六月江水泛溢壞民田廬舍八月集

州江漲壞民廬舍及城壁公署

宋史五行志

宋太祖開寶五年六月忠州江水漲二百尺

宋史五行志

宋太宗太平興國二年六月忠州江漲二十五丈興州

江漲毀棧道四百餘間七月復州蜀漢江漲壞城及民

田廬舍集州江漲汎嘉川縣

宋史五行志

是年九月興州江

水溢

宋史太宗本紀

宋太宗太平興國四年八月梓州江漲壞閭道營舍

宋史

五行志

宋太宗太平興國五年七月復州江水漲毀民舍隄塘

皆壞

宋史五行志

宋太宗太平興國七年六月均州涓水均水漢江並漲

壞民舍人畜死者甚衆漢陽軍江水漲五丈七月

南劍州江水漲壞民居舍

宋史五行志

是年秋七月漢水

溢

宋史太宗本紀

宋太宗太平興國八年七月江漢皆溢為患

宋史太宗本紀

宋太宗太平興國九年七月嘉州江水暴漲壞官署民舍溺者千餘人 雅州江水漲九丈壞民廬舍 新州

江漲入南砦壞軍營

宋史五行志

宋太宗雍熙二年七月朗江溢害稼

宋史五行志

宋太宗雍熙三年秋七月癸巳階州福津縣有大山飛來自龍帝峽壅江水逆流壞民田數百里

宋史太宗本紀

山崩而壅江水漢書屢書之茲曰大山飛來恐猶是

吾浙西湖飛來峰之訛傳也

小谷口薈叢

宋太宗淳化元年六月吉州江漲漂壞民田廬舍黃梅縣江水漲二丈八尺洪州江漲壞州城三十堵民廬舍二千餘區漂二千餘戶

宋史五行志

宋太宗淳化二年七月嘉州江漲溢入州城毀民舍

復州蜀漢二江水漲壞民田廬舍八月藤州江漲十

餘丈入州城壞官署民田是秋荆湖北路江水注溢漫

田畝甚衆

宋史五行志

宋太宗淳化四年九月江溢陷涪州詔溺死者給歛具

鐵錢三千

宋史太宗本紀

宋太宗至道元年五月虔州江水漲二丈九尺壞城流

入深八尺毀城門

宋史五行志

宋真宗咸平三年三月梓州江水漲壞民田七月洋

州漢水溢民有溺死者

宋史五行志

宋真宗景德四年六月鄧州江水暴漲八月橫州江

漲壞營舍

宋史五行志

宋真宗大中祥符三年六月吉州臨江軍並江水泛溢

害稼

宋史五行志

宋真宗大中祥符四年七月洪筠素州江漲害民田壞

州城

宋史五行志

是歲吉州臨江軍江水溢害民田

宋史真宗本紀

宋真宗大中祥符九年九月利州水漂棧閣萬二千八

百間

宋史五行志

宋仁宗天聖三年十一月辛卯襄州漢水壞民田

宋史

五行志

宋仁宗天聖六年七月壬子江寧府揚真潤州江水溢

壞官民廬舍遣使安撫賑恤

宋史仁宗本紀

宋仁宗景祐三年六月壬申虔吉州水溢壞城郭廬舍

賜被溺家錢有差

宋史仁宗本紀
五行志畧同

宋仁宗嘉祐元年四月大雨水注安上門門闕折諸路

言江河決溢河北尤甚

宋史仁宗本紀
五行志載二
年河決自五月大雨不止水冒

安上門門闕折諸路江河決溢河北尤甚疑即
元年之事本紀與志紀年月不同必有一誤

姚煥知峽州大江漲溢煥前戒民徙儲積遷高阜及城
沒無溺者因相地形築子城埽臺為木岸七十丈繚以

長隄捷以薪石厥後江漲不為害民德之徙知涪州

宋史

姚漢傳

孝基通判閬州閬州江水齧城幾沒郡吏多引避

孝基率其下決水歸旁谷城賴以全

宋史李孝基傳

沈起知海

門縣縣負海地卑間歲海潮至冒民田舍民徙以避棄

其業起為築隄百里引江水灌溉其中田益闢民相率

以歸至立祠以報御史中丞包拯舉為監察御史

宋史

沈起傳

宋神宗熙寧八年夏四月壬午湖南江水溢

宋史神宗本紀

是

年四月潭衡邵道諸州江水溢壞官私廬舍

宋史五行志

師

孟為度支判官知洪州積石為江隄浚章溝揭北閘以

節水升降後無水患歷集賢殿修撰判都水監

宋史程師孟傳

宋徽宗大觀三年七月階州久雨江溢

宋史五行志

宋徽宗大觀四年夔州江水溢

宋史徽宗本紀

紹興三年五月武昌江漲累月不洩

湖廣通志

陳桷知襄陽府明年漢水決溢漂蕩廬舍躬率兵民捍

築隄岼賴以無虞以疾乞祠除秘閣修撰提舉江州

宋史

陳桶傳 桶知襄

陽在紹興十五年

宋高宗紹興十六年潼川府東南江溢水入城浸民廬

宋史五行志

宋高宗紹興二十三年潼川府江溢浸城內外民廬

宋史

五行志 楊政守漢中十八年六堰久壞失灌溉之利政為

修復漢江水決為害政築長隄捍之凡利于民者不敢

以軍旅廢也

宋史楊政傳

宋孝宗淳熙十一年五月階州白江水溢決隄圯城浸

民廬壘舍祠廟甚多

宋史五行志

宋孝宗淳熙十五年荆江溢

宋史五行志

宋孝宗淳熙十六年五月丁巳階州白江水溢浸城市

民廬六月辛卯潼川府東南二江溢決隄毀橋浸民廬

涪城中江射洪通泉鄭縣沒田廬

宋史五行志

張孝祥知荆

南湖北路安撫使築守金隄自是荊州無水患請祠以

疾卒孝宗惜之有用才不盡之歎

宋史張孝祥傳

宋光宗紹熙二年五月庚午利州東江溢壞隄田廬舍

辛未潼川府東南江溢六月戊寅又溢再壞隄橋水
入城沒廬舍七百四十餘家鄴涪射洪通泉縣匯田為
江者千餘畝 七月癸亥嘉陵江暴溢興州圮城門郡
獄官舍凡十七所漂民居三千四百九十餘潼川崇慶
府緜果合金龍漢州懷安石泉大安軍魚關皆水時上
流西番界古松州江水暴溢龍州敗橋閣五百餘區江
油縣溺死者衆

宋史五行志

是年七月襄陽大雨連旬漢水溢害稼壞隄防民舍

殆盡

湖廣通志

宋光宗紹熙三年五月乙未潼川府東南江溢後六日
又溢浸城外民廬人徙于山 七月襄陽江陵府大雨
水漢江溢敗隄防圯民廬沒田稼者逾旬復州荊門軍
水亦如之鎮江府三縣水損下地之稼 宋史五行志

宋光宗紹熙五年秋武陵縣江溢圯田廬甚衆 宋史五行志

慶元二年馬湖夷界山崩八十里江水不通 四川總志

宋寧宗開禧元年九月丙戌漢水溢 宋史五行志 寧宗登位

樞以右文殿修撰知江陵府江陵瀕大江歲壞為巨浸民無所託楚故城楚觀在焉為室廬徙民居之以備不虞種木數萬以為捍蔽民德之

宋史袁樞傳

宋寧宗嘉定十年蜀漢二州江沒城郭

宋史五行志

宋寧宗嘉定十六年五月鄂州江湖合漲城市沈沒累月不泄是秋江溢圯民廬

宋史五行志

宋理宗端平三年襄漢江溢皆大水

宋史五行志

宋理宗淳祐七年五月重慶府江水泛溢者三漂城壁

壞樓櫓

宋史五行志

宋度宗咸淳六年六月漢水溢

宋史李庭芝傳

宋度宗咸淳七年七月壬午四川制置使朱禔孫言夏

五以來江水凡三泛溢自嘉而渝漂蕩城壁樓櫓圯壞

宋史度宗本紀

元世祖至元二十四年九月辛卯江水溢沒民田

元史

世祖本紀

元世祖至元二十七年七月江水溢免江夏田租

元史

世祖本紀

元成宗大德元年六月和州歷陽縣江漲漂沒廬舍萬

八千五百餘家

元史成宗本紀

是年六月和州歷陽縣江水溢

漂廬舍萬八千五百區

元史五行志

是年十月廬州路無為

州江漲泛溢漂沒廬舍

元史成宗本紀

元成宗大德五年七月江水暴風大溢高四五丈連崇

明通泰真州定江之地漂沒廬舍被灾者三萬四千八

百餘戶

元史五行志

元成宗大德九年六月甲午潼川霖雨江溢漂沒民居

溺死者衆飭有司給糧一月免其田租

元史成宗本紀

是年六

月潼川郿縣雨綿江中江溢水決入城

元史五行志

是年七

月沔陽玉沙縣江溢

元史五行志

元成宗大德十年二月乙未道州營道等處暴雨江溢

山裂漂民廬溺死者衆復其田租七月辛巳平江大風

海溢漂民廬舍

元史成宗本紀

元仁宗延祐二年七月全州永州江水溢害稼

元史五行志

元英宗至治元年七月奇爾濟蘇部江水溢 八月安

陸府雨七日江水大溢被灾者三千五百户 九月京

山長壽二縣漢水溢

元史五行志

是年九月庚子安陸府漢

水溢壞民田賑之

元史英宗本紀

元英宗至治二年六月壬午辰州江水溢壞民廬舍

元史

英宗本紀

元泰定帝泰定元年夏六月渠州江水溢

元史五行志

元泰定帝泰定二年六月潼川府綿江中江水溢入城

深丈餘

元史五行志

元文宗至順三年八月江水溢

元史文宗本紀

元順帝至正八年五月庚子廣西山崩水湧灘江溢平

地水深二丈餘屋宇人畜漂沒

元史五行志

元順帝至正九年五月蜀江大溢浸漢陽城民大饑秋

九月江漢溢漂沒民居禾稼

元史順帝本紀

明太祖洪武元年六月戊辰江西永新縣大風雨蛟出

江水暴溢入城深八尺民居蕩折男女多溺死者市聞

上遣使賑之

明太祖實錄

明太祖洪武三年六月戊寅應天府溧水縣奏久雨江

溢漂民居

明太祖實錄

明太祖洪武四年秋七月壬子南寧府大雨江水溢壞

城垣漂民廬舍

明太祖實錄

明太祖洪武六年七月己酉敘州南溪縣大雨江水漲

漂公解民居已未德慶府言城臨江岼每江水漲溢

城輒頽圯乞移內地令兵民并力興築從之

明太祖實錄

洪武二十三年秋八月淫雨漢水暴溢由郢以西廬舍人畜漂沒無算州城幾陷五日乃止

湖廣通志

明太宗永樂元年三月癸未修揚州府江都縣河東等鄉邊江圩岸五月辛巳湖廣安陸州言州境及京山縣俱臨漢江舊有隄岸傾圯二百餘丈乞修築從之

明太

宗實錄

明太宗永樂二年五月戊辰工部言太平府當塗縣慈湖等處上通宣歙東抵丹陽湖西接蕪湖地多瀕江比

雨水浸淫及海潮漲溢決隄傷稼宜遣人相度修築上從之又諭之曰緣江低窪之處非止當塗一縣霖潦傷稼必多宜分遣官乘傳往視凡浙江江西湖廣安慶蘇松等府遇湖泊窪下圩岸頽圯亟督有司修築己巳湖廣布政司言長沙瀏陽益陽岳州安鄉華容常德龍陽武陵荊州石首監利江陵諸縣靈雨湖水泛溢壞民居田稼命戶部遣人馳驛撫視十一月辛丑江寧縣民言自龍江至三山門河道窄狹各處饋運之舟聚集

江許卒遇風濤多致損壞乞浚江東門外北河令深廣以納饋運之舟從之 癸卯泰興縣言沿江圩岸東至新河西盡丹陽界長六千六百五十丈高一丈五尺頃被江水衝決為民患請發民丁修築從之 戊申直隸和州民言州銅城閘上抵巢湖下接揚子江圩岸七十餘處為江潮衝決壞禾稼乞修築從之

明太宗實錄

明太宗永樂三年十月乙亥修無為州周興等鄉及鷹揚鄉烏江屯緣江圩岸

明太宗實錄

明太宗永樂四年三月丁未湖廣石首縣言境內臨江萬石隄三百七十餘丈當大江之衝間為洪水所決而隣境華容安鄉皆受其患乞先時修築從之 六月辛酉工部言湖廣蘄州廣濟縣武家穴等處江岍為水衝決宜發民修築從之 七月辛未修應天府江浦縣沿江隄岸

明太宗實錄

明太宗永樂七年五月戊子湖廣安陸州奏渲馬灘江溢決圩岸千六百餘丈請發民修築從之 十二月己

未揚州府泰興縣耆民言縣南攔江隄岍為風濤衝激
淪入于江者三千九百餘丈又大港北自縣河南出大
江淤塞四千五百餘丈請命浚築皇太子遣官相度修

治

明太宗實錄

明太宗永樂九年六月自甲辰至戊申直隸揚州府通
州泰興江都儀真海門等縣風雨暴作江潮泛漲壞房
舍漂流人畜事聞命戶部速遣人巡視撫卹

明太宗實錄

明太宗永樂十年六月辛未湖廣荊州武昌黃州常德

漢陽等府久雨江水泛漲沒民廬舍田禾事聞命戶部遣人巡視綏撫 九月癸未朔湖廣黃梅縣耆民言縣臨大江舊有圩岸百二十餘里洪武中嘗修築之今夏霖雨江水泛溢圩岸坍塌傷民田千八百二十餘頃請以闔郡丁夫修築從之

明太宗實錄

明太宗永樂十一年七月壬午戶部言通州海門縣官民田近被風潮衝坍入江者該輸糧三千五百八十餘

石命除之

明太宗實錄

明太宗永樂十四年五月江西南昌等府言自四月至五月淫雨江水泛漲壞廬舍沒田稼命戶部遣人撫視

明太宗實錄

明太宗永樂二十年十月戊申湖廣沔陽州奏今秋靈雨江水泛漲淹沒田地溺死人民命戶部遣人撫視

明太宗

宗實錄

明宣宗宣德元年十月戊午直隸太平府蕪湖縣奏今年五月久雨江水泛溢淹官民田一百五十八頃有奇

命行在戶部遣人覆視蠲除租稅十一月癸卯湖廣
衡陽縣奏今年六月初八日大雨十四日止江水泛溢
漂民廬泮沒田稼命行在戶部行布政司按察司督府

縣優卹

明宣宗實錄

明宣宗宣德三年四月乙丑四川灌縣陰陽學訓術嚴
亨奏本縣都江等四十四堰洪武間築以障水灌漑民
田比因江漲衝決乞仍發民修築為便上命行在戶部
移文有司令農隙用工八月庚寅湖廣常德州奏龍

陽武陵二縣五月以來霖雨不止江湖漲漫衝決隄岝
漂流民居淹沒田苗命布政司委官撫恤 九月丙子
湖廣沔陽州及監利縣各奏今年七月八月久雨江水
泛溢低田悉淹無收上命戶部遣人覆視免秋租

明宣
宗實

錄

明宣宗宣德六年十月甲子湖廣石首縣典史劉英奏
本縣舊有三隄長一千九百四十餘丈比因江水泛溢
風浪衝激頽圯其半近隄之田連歲被淹禾稼無收其

隄內民田與荊州衛軍士屯田利害適均命軍民並力

築之

明宣宗實錄

明宣宗宣德八年七月壬申巡撫侍郎趙新奏江西自
六月初旬以來大雨不止江水泛漲南昌南康饒州廣
信九江吉安建昌臨江等府瀕江之處漂流居民淹沒
田穀請加寬卹上命行在戶部視有災處蠲其租

明宣宗實

錄

明宣宗宣德九年二月甲戌巡撫侍郎吳政言去秋湖

廣江水泛溢衝決江陵枝江二縣緣江隄圻三百五十餘丈民田軍屯多被其患請于農隙發傷近軍民相兼修築從之仍令政遣廉幹官督之 八月癸酉四川順慶府奏五月初二日至初六日江水泛溢浸漫本府倉糧壞南充縣居民房舍漂溺牛馬命行在戶部遣人巡視并寬卹之

明宣宗實錄

行水金鑑卷七十七

欽定四庫全書

行水金鑑卷七十八

江南按察使傅澤洪撰

江水

明宣宗宣德十年七月戊戌

英宗已即位矣

湖廣黃州等府奏

今歲天雨連綿江水泛溢所屬州縣田苗淹沒無收上

命行在戶部遣官覆視除其租稅

明英宗實錄

明英宗正統元年十月甲戌江西吉安府知府陳本深

言府城外緣江隄岝損壞宜脩築以備水患從之 丙
子湖廣荊州府奏江陵公安二縣及荊門州大雨江水
泛漲衝決圩岝實為民患事下行在工部覆奏請令荊
州府暨荊州衛協力修築從之 十一月戊午直隸揚
州蘇州常州府各奏十月初一日颶風大作海潮漲湧
所屬州縣居民漂蕩者各數百家湖廣荊州府所屬州
縣各奏六月至七月天雨連綿江水泛漲滄沒民田上
命行在戶部遣官覆視以聞

明英宗實錄

明英宗正統二年三月己酉命襄城伯李隆禱於大江之神以南京龍江關等處隄岍屢決故也 十月己未

湖廣江陵松滋公安石首潛江監利六縣各奏近江隄岸俱為水決渰沒禾苗甚多事下行在工部覆奏請移文勘實修治從之 十一月戊戌修湖廣老龍隄以其為漢水所決也 十二月丁丑修江南通江橋東西一

帶江岍

明英宗實錄

明英宗正統四年二月乙卯湖廣荊州府奏府城西四

十里江水高城十餘丈倘遇霖潦隄壞水即灌城為害不小乞專命府通判一員荊州等三衛千戶三員常巡隄岸少壞輒修庶可以防水患從之

明英宗實錄

明英宗正統五年六月甲午南京守備襄城伯李隆奏積雨壞南京中新河上新河隄并濟川衛新江口防水隄請俟水退量撥丁夫修築從之 七月庚辰江西南昌饒州九江南康自五月至七月淫雨江水泛漲事聞命行在戶部遣官覆視

明英宗實錄

明英宗正統六年二月辛卯命南京守備豐城侯李賢
禱於江神以江水決隄故也 四月丙子江西布政司
言寧縣武寧縣建昌縣江通舟楫而多灘石兩岨樹木
叢生乞興役修築從之 五月乙卯修江西吉安府城
南近江隄 六月己卯直隸當塗縣大信巡檢司前漕
河南通大江舟行避險者悉由此行後以江水泛漲沙
土壅積不通有司請疏濬從之 九月癸未先是南京
江岸累決已命工部侍郎吳政等脩築政等言水深未

便工力請於農隙時疏江中沙洲以殺水勢然後用工至是復以興役請上命守備豐城侯李賢太監劉寧同政提督仍戒其務恤軍民毋容侵擾

明英宗實錄

明英宗正統七年五月丙辰江西廣昌縣縣丞張壽芳奏請修近縣江岍從之七月築南京浦子口大勝關隄先是江中有洲激水橫流決隄豐城侯李賢請鑿洲引水直流則隄可固上可之會詔蠲天下徭役遂不果鑿止令築隄遣兵部右侍郎徐琦祭告大江之神然後

興役壬戌湖廣荊州府奏東門外小江接荊門潛江等處近為沙土淤塞者三十餘里請疏浚以便民 九月辛酉先是江西九江府城以邊大江為水類者二百餘丈隄決倍之巡按御史及有司以聞命九江衛率軍工修築至是以人夫物料不足為請事下工部議宜諭三司官計其所需與之第毋擾民從之

明英宗實錄

明英宗正統九年閏七月戊寅應天湖廣岳州各奏江溢 丙申巡按直隸監察御史段信奏江都縣揚子江

沙洲上民戶不下數百餘七月間中夜風雨大作江湖
泛漲沙洲水高丈五六尺溺男女千二十人貲產田禾
滄沒無算越三日風息水始縮上命御史府縣官出官
錢募溺死者而給存者以食滄沒田畝悉蠲其稅

明英

宗實錄

正統九年江湖泛漲漂溺江都等縣一千七百餘人

揚州府志

明英宗正統十一年八月辛酉湖廣龍陽縣奏今年二

月以來大雨洞庭湖隄決居民男婦多被溺死漂沒廬舍禾稼牲畜無算上命布政司亟發人夫修完湖隄存恤被災民戶

明英宗實錄

明景帝景泰元年六月己丑先是南京風雨江水泛漲壞城垣官舍民居甚衆拔神營監樹木二十餘株至是詔有司修理之

明英宗實錄

明景帝景泰二年六月乙亥命以直隸揚州府瀕江新漲地土與坍江失田人戶耕種

明英宗實錄

明景帝景泰三年十二月戊午四川綿州奏本州西至河名飲馬池者以通大江數敗隄岝請率民修築從之

明英宗實錄

明景帝景泰五年九月丁巳四川都司奏七月大雨江水泛溢漫入東城水關決城垣三百餘丈壞駟馬萬里二橋欲同布按二司起附近府衛軍夫備料修理從之

明英宗實錄

景泰六年江水泛漲遣巡撫王竑祭於江神

揚州府

志

明英宗天順二年八月乙丑安慶府屬縣江水泛溢浸爛秧苗秋成無望糧草無從徵納上命戶部知之

明英

宗實錄

明英宗天順四年八月甲辰朔湖廣都布按三司奏武昌黃州漢陽襄陽德安辰州常德荊州諸府衛自四月至六月陰雨連綿江水汎溢衝決隄防渰沒麥禾民多流徙上命所司加意安撫賑濟除其租稅十月壬戌

巡按江西監察御史奏瑞州南昌南康等府四月以來江水泛溢二麥渰死顆粒無收上命戶部勘之

明英宗

實錄

明英宗天順五年十一月丁巳直隸揚州府奏所屬海門等縣今年春夏旱傷七月以來江潮泛溢淹沒田禾事下戶部覆視之

明英宗實錄

明英宗天順七年五月壬辰襄王瞻塏奏襄陽城逼漢江自昔有隄號曰老龍環護城郭歲久為水衝激已漸

坍決及城南有救生橋水大人可度橋登山以免水患
今亦損壞非大起工匠修築不足捍災禦患請敕附近
府州縣并本處有司軍衛為之事下巡撫湖廣左僉都
御史王儉覈實儉以為宜上命儉督有司修築 九月
乙酉巡按江西監察御史陸平奏九江府德化彭澤二
縣今年六月以來天雨連綿江水泛溢邇江民田淹沒
無收欲徵秋糧恐逼民逃竄乞量為優免上命戶部理
之

明英宗實錄

明憲宗成化三年六月癸卯湖廣江夏縣水衝隄所起竹簿門外江口迄夏口驛漢陽馬枋關長八百五十丈有奇從巡撫都御史羅篪等各言隄所逼近城址近者不滿十步宜命有司採辦物料量役軍民以漸修築

明

憲宗實錄

夏時正成化五年遷大理寺卿明年春命巡視江西災傷增築南昌濱江隄及豐城諸縣陂所民賴其利

明史稿

明憲宗成化六年十月戊午南京守備成國公朱儀奏
江水泛溢衝塌上新河口岝南北共長一百三十四丈
河口坍入三十五丈兩岝軍民房屋災者四十八間事
下工部覆奏移文南京工部會守備等官勘議

明憲宗

實錄

明憲宗成化七年四月丁卯禮部奏南京江東門外江
水泛溢崩頽北岸損壞民居請遣南京守備成國公朱
儀祭告江神從之

明宣宗實錄

明憲宗成化八年二月辛卯襄王瞻塔及巡撫右僉都御史吳琛并湖廣守臣各奏襄陽府江岨石橋被水衝塌俱宜修築事下工部以為其事已經勘議但今彼處民困未甦合俟秋成之後勘酌修築從之

明憲宗實錄

明憲宗成化十三年二月甲戌直隸安慶府大雨江水

暴漲

明憲宗實錄

明憲宗成化十四年五月丙戌吉王見浚奏長沙府地西臨大江水勢洶湧岨無廻曲往來客舟灣泊多為風

濤所損聞府外西南原有通江一港年久淤塞不便舟
楫今左少監唐宏員外郎劉琛奉勅于此營造府第工
完之日宜令督工疏通之工部議以宏琛事完即當復
命其疏浚河道宜移文巡撫等官覈實令有司行之上
曰事果無碍當從所請 六月丁巳襄世子祁鏞奏今
年四月中旬久雨江漲漂流居屋衝決隄岸水幾入城
驚惶無地乞敕所司同議修築俾無後患事下工部議
以水患急務宜移文撫按并三司分守等官覈實修築

務在高廣堅厚以為久計詔可

明憲宗實錄

明憲宗成化二十二年冬十月丙子南京守備成國公朱儀奏新江口操演戰船俱于中下二新河住泊以避風濤今二河為泥沙淤塞至秋深水涸出塢為難請敕工部循往年例督軍脩浚庶船出入便利遇警不至誤事從之

明憲宗實錄

弘治三年春二月施州石信山崩有大石二如人形卓立路旁距五里清江南岬山崩大石塞江水為不

流遂壅為灘

湖廣通志

明孝宗弘治七年七月戊子直隸蘇常鎮三府風雨驟作潮水泛溢拔木飄瓦平地水高五尺餘沿江地水高一丈坍塌房屋城垣民多溺死九月丙申禮部尚書倪岳等言近日南京風雨大作蘇松等府海潮逆湧江水泛濫湖廣武昌等府州縣天雨不止洪水泛漲一望無涯軍民房屋俱被淹沒

明孝宗實錄

弘治十二年安陸漢水溢田廬漂沒民多溺死

湖廣

通志

明孝宗弘治十三年十月丙申遼王寵綬奏荊州府舊有護城隄岨長五十里近隄崩壞致江水衝決城門橋樓房屋為患甚急請命修築工部覆奏從之

明孝宗實

錄

明孝宗弘治十五年八月庚戌遣官祭告孝陵太廟先是南京太常寺卿楊一清等奏南京自本年六月一日靈雨浹旬平地皆水至七月三日猛風急雨震蕩掀播

江潮湧江東諸門之外浩浩波濤浸入城五尺有餘
軍民房宇倒塌者千百餘間男婦有渰溺死者新江口
中下二新河等處官民船飄沒人多溺死鎮江揚州諸
府沿江風潮亦復如是故有是命

明孝宗實錄

弘治十六年江潮入望京門浦口城圯

江南通志

明武宗正德十一年八月戊寅命南京守備魏國公徐
備祭大江之神以江水衝決浦子口上新河等處故也
明武宗實錄

是年平慕頤灘安盤記云蜀之灘以千計戎州之西
最險戎以西灘以百計犍為之慕頤最險灘在犍為
西十里石牙中橫江水走其上前壅後迫勢不得不
起而立衝撞噴薄叫號怒激聲聞十數里外舟人工
下咸默膽重足睜目屏氣以幸無事一失其勢輒破
壞漂溺不可救人死是灘者歲以千數也昔李冰守
蜀鑿豚岨以避沫水之害豚岨在嘉州犍為今之犍
為嘉屬邑也相去不遠不應舍之不治然冰之治水

也多沉犀以彈壓湍急犍為故有沉犀驛豈冰嘗治之而無成歟抑江流變遷當時水由他道而無是險歟不可知也正德十一年丙子蘄陽張公思齊以憲僉行縣邑人赴訴萬口一辭時適有幾公可與事公進諸生而語之吾受天子命官以水利為名豈一一利之去害乃以為利也計度安出諸生曰濬其西岍水放而西灘其可夷公曰然吾意如是驗其同耳且事委曲得俞監臨監臨者巡按監察御史盧公雍也

乃卜乃虔臨江用牲萬夫齊奮身自為督壅石為隄
以木為捍既鑿既疏自下而上時天大寒雪雨交集
公撤去麾蓋勞來巡行率至夜乃息凡在後者益感
公意并力趨事兩月告成導江之日人士走觀空其
一邑歡呼嗟歎不圖成功乃至於此由是灘險遂虛
而夜亦可航矣

四川總志

明武宗正德十二年七月壬辰大學士梁儲等言湖廣
荆襄等處以霖雨江水泛漲疏入不省

明武宗實錄

是年安陸漢水溢田廬漂沒民多溺死

湖廣通志

明武宗正德十三年三月甲寅湖廣衡州府大風雨江水溢浸入城郭房屋及人民多漂沒者

明武宗實錄

明武宗正德十四年六月己卯漢江溢漂溺人口用承奉張佐言購人駕舟拯救其後又出資糧築隄四十餘里自是水患乃絕而軍民瀕水之田皆恃以安

明武宗

實錄

是年揚州大風江海溢數丈漂沒廬舍民多溺死

揚

州府志

明世宗嘉靖元年七月己巳南京暴風雨江水溢郊社
陵寢宮闕城垣等處吻脊闌楯皆壞拔樹至萬餘株大江船
隻漂沒甚衆 八月庚子敕諭兩京文武羣臣朕以眇
躬嗣守祖宗鴻業代天理物負荷維艱夙夜兢兢罔敢
自逸黽勉逾歲治效未臻災異迭見近者南京守臣奏
報七月二十五日猛風驟雨砂石飛揚江水湧溢郊社
陵寢宮闕城垣等處吻脊闌楯多被損壞并各衙門樹

株拔倒甚多大江船隻漂溺甚衆上新河等處邊江軍民房屋被水衝塌者不計其數又前此湖廣江西地方水患尤甚朕心祇懼莫究其端意者政事乖違刑罰不中民困未甦國是未定以致上千天和昭示譴告朕方致齋積誠祇告于天地宗廟社稷凡事關朕躬者痛自省循爾兩京文武羣臣宜同加修省務在守法奉公勉修職業以圖消復其被災軍民之家各遣官巡視量賑恤庶幾天意可回用保我國家億萬年太平之祚欽

哉故諭 十二月辛巳湖廣荊州府潛江縣知縣教鉞
疏請開濬淤洲以弭水患但沿江一帶淤洲盡屬皇莊
未敢擅興工作戶部覆議江洲原非額田歲入無幾苟
可救一縣之民何惜于此請令巡撫湖廣都御史行守
巡官親詣縣治相度地形水勢果為民患即及時併工
疏濬淤洲新增子粒悉蠲勿徵從之

明世宗實錄

是年七月二十五日揚州大風雨江潮湧漲溺死男

婦一千七百四十五口

揚州府志

嘉靖五年漢水決洋渡初渡口忽陷成穴有女子衣絳綠恒坐其上一夕痛哭河遂決

湖廣通志

明世宗嘉靖六年八月辛未御史郭希愈言江北岍善崩凡岍江田地約有四萬二千餘畝所損賦額咸取償於民而江西新漲灘田九萬八千餘畝漸成沃壤豪民霸占爭訟致傷人命數年不決前奉明詔下有司覆勘不報宜責南京巡江御史勘理戶部覆請上命南京巡江御史委有司踏勘其岍漲田數相應抵補者咸通融

撥給以足糧額餘皆賦民耕之先已告田納糧者咸與
公斷以杜爭訟

明世宗實錄

嘉靖八年秋漢水溢

湖廣通志

嘉靖十一年僉事張彥果議築都江堰石工不果

江漢之水出自岷嶓其勢建瓴而注全蜀神禹疏濬
之功茲最烈焉至秦李冰鑿離堆以疏沫水衆渠順
流沃野千里號稱陸海厥後文翁白敏中張詠咸加
修浚迄今賴焉嗟夫郡國之有流渠猶人身之有脈

絡也一縷不通合體皆病按方而治之則鬱滯決而精神流通矣守土者其尚因時修之以甦蜀哉蜀中諸水咸出岷江江源在羌地之列鵝村所謂羊膊嶺者分為二派一西南流為尖囊大渡河一正南入溢村至石紐過汶川歷今灌縣境又有湍水出焉灌之上流西北十數里有水出尤溪口又數十里有水出白沙口同會于灌經灌西南流者今謂之南江即禹所導岷江正流自秦李冰鑿離堆引江水循灌城東

注北折于是始以東南正流為南江經離堆薄灌城而東北注者為北江北江出自寶瓶口穿三泊洞而北注者為外江自寶瓶口直東入五斗口而東北注者為內江蓋北江折為二江并南江而三其北行入五斗口一支在南北二江之上故以內江別之外江北經崇寧彭縣新繁漢州界出金堂峽內江東經郫縣崇寧界內下過府城北南會府城前江以趨于彭合彭山金堂諸水會于瀘州合綿涪諸水并嘉陵江

經合州會于重慶合碕雅諸水會于嘉定合松潘之
西南入尖囊大渡河者會于叙州遠近溉田不可勝
計然各府塘堰皆民間自修官課其成而已獨李冰
所鑿離堆山設立都江堰在岷江中流時歲工費鉅
萬元至元元年廉訪僉事吉當普建白用石包砌諸
堰為石門以時啟閉國初加意水利每歲冬春之會
令得水州縣與軍衛屯所共役人夫五千竹木工料
計田均輸修葺堰得不壞成化九年巡撫都御史夏

頃以遠人赴役不便又將郾灌二縣雜派科差均敷
得水州縣專備工料以供堰務弘治九年添設按察
司僉事一員專一提督都江堰併各府州水利于時
灌縣知縣胡光伐石冶金即舊址甃砌為防貫以鐵
錠柱三各長一丈二尺使當湍勢石隄中貫鐵處固
以油灰直長一十五丈高一丈三尺濶五尺首濶一
丈二尺用鐵三萬餘石一千二百高廣丈餘長倍之
桐油五百麻線二百木二千五百各色工役計二十

五萬三千二百有奇正德間水利僉事盧翊親詣督
理疏濬直抵鐵板得秦人所書六字訣曰深淘灘淺
作堰大書觀瀾亭上以昭永鑒先是每年起工役有
不均之歎翊乃下令以糧三石派夫一名分八班凡
八年一周仍啟蜀府每年助青竹四萬竿委官督織
竹籠裝石為堰嘉靖初僉事劉隅重修都江堰觀瀾
亭十一年僉事張彥果議築石工復古普當胡光之
舊以工費浩大不果謹按四瀆惟江最大蜀水自江

之外有七皆注于瞿唐由荆達揚以入于海世傳杜
宇命其相鰲靈作三峽以通江水而李冰離堆之鑿
最有功于蜀然總之則大禹平成功在萬世矣書曰
岷山導江東別為沱盖水出于岷者皆謂之江出于
江而別流別而復合皆謂之沱此禹治功之神流澤
之遠也或謂灌縣都江堰乃諸堰綱領而分江流之
第一咽喉當事者嗣而修築之亦一方之利也謹附
著之

四川總志

行水金鑑卷七十八